

**Incumbensa Schwärzel concernent plazzas parzialas sin tut ils stgalims dal cader**

Tenor las explicaziuns dal cusseglier guvernativ Christian Rathgeb en l'ultima sessiun dal cussegl grond (favrer 2019) na lavura en l'administraziun chantunala nagina persuna a temp parzial sin il stgalim superieur dal cader. Il motiv è evident: i na vegnan purschidas naginas plazzas parzialas sin il stgalim superieur dal cader. Quai è antiquà. Plinavant na datti er nagina applicaziun uniztara da la pussaivladad da lavurar a chasa (homeoffice) u da far telelavor u d'altres pussaivladads da lavurar en moda flexibla. Quai vegn applitgà differentamain d'uffizi ad uffizi.

Ozendi tschertgan tant dunnas sco er umens responsabladad en la professiun sco er en la famiglia. Plazzas a temp parzial e jobsharing èn tschertgads sco anc mai. La tematica dal temp parzial è er arrivada tar il cader superieur. L'economia privata ha reagì e firmas pli grondas publitgeschan pli e pli plazzas a temp cumplain mo pli sco pensums "dad 80 fin 100%". Uschia na publitgescha p.ex. la Viafier retica, che porscha dunsainas da differents profils professiunals, da nov nagina piazza pli cun in pensum da puramain 100 %. Abstrahà da tschertas excepziuns vegn quai applitgà uschia per exempel er da l'Axa-Winterthur, da Lidl, da las VFF, da l'Allianz u da la Swisscom.

Plazzas a temp parzial n'han betg mo blers avantatgs per las lavurantas ed ils lavurants (p.ex. dapli temp per la famiglia, per furnaziuns supplementaras), mabain er per la patruna u il patrùn. Tenor in studi èn quai en spezial temps da mancanza pli rars, ina diversità pli gronda, collavuraturas e collavuratur motivads, ina productività pli gronda ed avantatgs tar recrutaziuns en vista a la mancanza da personas spezialisadas/demografia.

Sch'il chantun Grischun vul en il futur tegnair pass cun l'economia privata, avess el da tegnair quint dals basegns da la generaziun actuala e realisar differentas mesiras per meglierar la cumpatibilità da la professiun cun la famiglia.

Las sutsegnadras ed ils sutsegnaders pretendan a curta vista che vacanzas da plazzas a temp cumplain vegnian publitgadas consequentamain cun 80-100 pertschient, e quai suror tut ils departaments e suror tut ils stgalims da funcziun (abstrahà d'excepziuns fitg specificas e motivadas). Supplementarmain duai dapertut, nua che quai è realisabel nà dal manaschi e nà dal cuntegn, vegnir stgaffida e promovida la pussaivladad da la telelavor/dal lavurar a chasa. Questas mesiras pon vegnir realisadas nunbirocraticamain e senza custs supplementars en moda relativamain simpla e svelta.

Puntraschigna, ils 14 da zercladur 2019

**Schwärzel**, Stiffler, Bettinaglio, Atanes, Baselgia-Brunner, Bigliel, Bondolfi, Buchli-Mannhart, Cahenzli-Philipp, Caluori, Casutt-Derungs, Cavegn, Caviezel (Cuira), Censi, Danuser, Della Cà, Deplazes (Cuira), Deplazes (Rabius), Dürler, Ellemunter, Felix, Florin-Caluori, Föhn, Gasser, Geisseler, Gugelmann, Hardegger, Hartmann-Conrad, Hitz-Rusch, Hofmann, Hohl, Holzinger-Loretz, Horrer, Kasper, Kienz, Kunfermann, Locher Benguerel, Loepfe, Loi, Märchy-Caduff, Michael (Castasegna), Mittner, Müller (Susch), Müller (Favugn), Natter, Noi-Togni, Papa, Perl, Pfäffli, Preisig, Rettich, Ruckstuhl, Rüegg, Rutishauser, Schneider, Schutz, Thomann-Frank, Thöny, Thür-Suter, Tomaschett (Breil), Tomaschett-Berther (Trun), Ulber, Weber, Weidmann, Widmer (Favugn), Widmer-Spreiter (Cuira), Wieland, Wilhelm, Zanetti (Sent), Zanetti (Landquart), Pajic